



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Radna komisija za administrativna pitanja
Broj: 01,02/7-120/99
Sarajevo, 8.6.1999.god.

ZAPISNIK
sa 2. sjednice Radne komisije za administrativna pitanja Predstavničkog
doma Parlamentarne skupštine Bosne i Hercegovine,
održane 7. juna 1999. godine.

Sjednica je počela sa radom u 12,00 sati.

U pozivu za sjednicu predviđeno je održavanje zajedničke sjednice komisija oba doma. S obzirom da su ispred Komisije Doma naroda bili prisutni samo Avdo Čampara i Izet Žigić, jednoglasno je prihvaćen prijedlog da se održi sjednica Komisije Predstavničkog doma.

Sjednicom je predsjedavao Mustafa Pamuk, predsjednik Komisije, a istoj su prisustvovali Vito Rakić, Desanka Rađević, Nikola Špirić, Ivo Lozančić, Suada Muminagić i Alma Čolo. Poslanik Pero Skopljak opravdao je izostanak.

Mustafa Pamuk je predložio da se promijeni dnevni red koji je dostavljen uz poziv za neodržanu sjednicu zakazanu za 16. marta 1999.g. i to:

DNEVNI RED

1. Odluka o načinu obračuna plaća i ostalih materijalnih prava zaposlenih u Parlamentarnoj skupštini BiH;
2. Odluka o utvrđivanju funkcija poslanika, odnosno delegata koji ostvaruju prava iz radnog odnosa u domovima Parlamentarne skupštine BiH,
3. Odluka o uslovima i načinu korištenja putničkih automobila za obavljanje službenih poslova u Parlamentarnoj skupštini BiH;
4. Odluka o imenovanju članova Privremenog Sekretarijata Parlamentarne skupštine BiH;
5. Odluka o imenovanju privremenih sekretara radnih komisija Predstavničkog doma Parlamentarne skupštine BiH;
6. Nacrt odluke o organizaciji Sekretarijata Parlamentarne skupštine BiH;
7. Tekuća pitanja.

Prijedlog da tačke 4. i 5. budu 1. i 2. jednoglasno je prihvaćen, kao i to da se o tačkama 3,4, 5. i 6. vodi prethodna rasprava.

Ad.1. Odluka o formiranju Privremenog sekretarijata Parlamentarne skupštine BiH

Kolegij Predstavničkog doma i Doma naroda su dostavili Komisiji prijedlog Odluke o formiranju Privremenog sekretarijata Parlamentarne skupštine BiH, za čije članove su predloženi Emira Češljarić, Daniel Čulina, Vedran Hadžović, Rajka Stanišić, Branka Todorović i Jadranko Tomić.

U raspravi su sudjelovali: Nikola Špirić, Ivo Lozančić, Suada Muminagić i Mustafa Pamuk. Izneseni su prijedlozi da se poveća broj članova sa 6 na 7 članova, tako što bi iz Federacije BiH bilo 4 a iz Republike Srpske 3 člana (N.Špirić). Naglašena je potreba da prioritetan kriterij bude stručnost i osposobljenost da se opslužuju tijela i parlamentarni klubovi, o čemu će se voditi rasprava i na Predstavničkom domu prilikom usvajanja ovog prijedloga.

Prijedlog je jednoglasno prihvaćen.

Ad.2. Odluka o imenovanju privremenih sekretara radnih komisija Parlamentarne skupštine BiH

Predsjedavajući Mustafa Pamuk predlažući da se usvoji odluka, konstatovao je da se radi o prijedlogu Kolegija kojim se privremeno raspoređuju djelatnici u radne komisije Predstavničkog doma i Doma naroda i to:

- Vedran Hadžović, za privremenog sekretara Radne komisije za ustavne i pravne poslove,
- Suada Karović, za privremenog sekretara Radne komisije za međunarodna i vanjska pitanja,
- Jadranko Tomić, za privremenog sekretara Radne komisije za vanjsku trgovinu i carine,
- Emira Češljarić, za privremenog sekretara Radne komisije za pitanja finansija i budžeta,
- Rajka Stanišić, privremenog sekretara Radne komisije za pitanja ljudskih prava, imigracije, izbjeglica i azila,
- Branka Todorović, za privremenog sekretara Radne komisije za promet i komunikacije,
- Daniel Čulina, za privremenog sekretara Radne komisije za administrativna pitanja.

Prijedlog odluke je jednoglasno prihvaćen.

Ad.3. Odluka o načinu obračuna plaća i ostalih materijalnih prava zaposlenih u Parlamentarnoj skupštini BiH

Konstatovano je da se o ovoj odluci vodi rasprava na nekoj od narednih sjednica.

Ad. 4. Odluka o utvrđivanju funkcija poslanika, odnosno delegata koji ostvaruju prava iz radnog odnosa u domovima Parlamentarne

skupštine BiH

Zaključeno je da se i o prijedlogu ove odluke vodi rasprava na nekoj od narednih sjednica.

Ad.5. Odluka o uslovima i načinu korištenja putničkih automobila za obavljanje službenih poslova u Parlamentarnoj skupštini BiH

Jednoglasno je prihvaćen prijedlog da se o prijedlogu odluke raspravlja na nekoj od narednih sjednica.

Ad.6. Nacrt odluke o organizaciji Sekretarijata Parlamentarne skupštine BiH

U toku rasprave iznesena su mišljenja od toga da se ne raspravlja o Nacrtu dok se ne stvore osnovni uslovi za rad Službe, do konkretnih prijedloga na ponuđenu šemu i prijedloga da se formira grupa eksperata koja bi izradila funkcionalniju organizaciju Službe.

Zaključeno je da se svi izneseni prijedlozi i sugestije ugrade u novi prijedlog koji će se ponovno razmatrati na sjednici Komisije.

Zaključeno je da u Izvještaju koji Radna komisija o ovoj raspravi podnosi Predstavničkom domu treba reći da je obavljena rasprava u kojoj je dato više načelnih i konkretnih primjedbi na Nacrt (dosljedno primijeniti princip funkcionalne organizacije Sekretarijata, staviti u prioritet kriterij stručnosti, utvrditi status zaposlenih u kabinetima, odrediti odnos generalnog sekretara i sekretara domova, naći bolji naziv za generalnog sekretara, utvrditi obaveze Sekretarijata prema parlamentarnim političkim strankama, utvrditi mandat rukovodnih radnika prema mandatu poslanika itd.).

Na sjednici je dogovoreno da članovi Komisije u eventualnoj raspravi na sjednici Predstavničkog doma iznesu svoje ocjene o nacrtu.

Komisija prdlaže da se po održanoj raspravi na sjednici Predstavničkog doma donese zaključak da ova Komisija zajedno sa Komisijom za administrativna pitanja Doma naroda i Sekretarijatom Parlamentarne skupštine BiH, uz saglasnost Kolegija, izradi Prijedlog odluke o organizaciji Sekretarijata Parlamentarne skupštine BiH.

Ad.7. Tekuća pitanja

Radna komisija je informirana o prijedlogu Privremenog sekretarijata za dodjelu sredstava za finansiranje djelatnosti Parlamentarne skupštine BiH u 1999. godini.

Sjednica je završila rad u 14,30 sati.

Sekretar
Daniel Čulina, s.r.

Predsjedavajući
Mustafa Pamuk, s.r.